

华阴县志

第一函  
第九册



華陰縣志卷一

封域 沿革

**唐虞**

華屬雍州

黑水西河惟雍州

尚書禹貢

西傾朱圉鳥鼠至於太華

尚書禹貢

導河積石至於龍門南至於華陰

尚書禹貢

按府志華有虞氏為豫州之城此引通鑑注文也當從禹貢為是

**夏**

華屬雍州

華陰縣志

卷一 沿革

**殷**

定屬雍州

定國商後渭水南有定城 路史

**周**

華屬豫州

河南曰豫州其山鎮曰華山 注 卽華陰之華山連延東出故屬

豫州 周禮職方氏

子夏老於西河之上 注 西河龍門至華陰之地 禮記檀弓

晉河外

晉惠公賂秦以河外列城五東盡虢略南及華山 左傳 於是

秦始征晉河東置官司焉注此卽惠公許賂秦以河外列

城五之地至是始歸之秦也左傳

### 魏陰晉

文侯三十六年秦侵我陰晉史記魏世家

肅侯二年與魏惠王遇於陰晉史記趙世家

古雍州兼得魏趙之交注漢之高陵以東今馮翊之南境

華陰之東境也宜屬魏通典

華陰分秦晉之界邊晉之西則曰陰晉續通典

華陰縣在州東六十里縣東南五里有古城卽六國時陰

晉也寰宇記

秦

甯秦隸內史

惠文君六年魏納陰晉陰晉更名甯秦

史記秦本紀

秦惠王六年魏納陰晉

正義

周顯王三十七年魏以陰晉為和於秦

通鑑

陰晉地里志華州華陰縣春秋魏陰晉也秦惠文王改名甯秦

通覽

秦始皇并天下分置三十六郡各領縣縣萬戶以上為令減萬戶為長郡置一守一丞兩尉以典之內史郡統京畿內縣四

十一

輿地志

古雍州始皇置四十郡此爲內史注今京兆華陰馮翊扶風汧

陽新平等郡是通典

**漢**

華陰縣隸左內史部京兆尹左馮翊

寧秦漢高帝八年更名華陰漢書地理志

漢改華陰以在華山之陰故名寰宇記

船司空縣

地理志渭水東至船司空入河服虔曰縣名都官三輔黃

圖有船庫官後改爲縣水經注

京兆尹縣船司空王莽改爲船利服虔注曰縣名顏師古

注本主船之官因以為縣

漢書地理志

漢書縣多異名船司空注主船之官因以為縣屬京兆尹

琅邪代

醉編

**後漢**

華陰縣隸司隸部宏農郡

華陰故屬京兆

郡國志

船司空縣

建安十八年復禹貢九州省司隸校尉以併於雍州京兆

尹所領省船司空入華陰

獻帝春秋

船司空後省入華陰

通志



船司空故縣在華陰東北十五里 通典

**魏**

華陰縣隸司州恆農郡

**晉**

華陰縣隸司州宏農郡

宏農郡華陰華山在縣南

晉書地理志

東漢屬宏農郡晉因之 賈志

華山郡晉分宏農之華陰京兆之鄭馮翊之夏陽置 通鑑

晉志無華山郡未詳所屬今增入領縣二鄭華陰 同州府志

**元魏**

華陰縣隸雍州部屬華山郡

太平真君元年置華山郡孝昌二年改為東雍州

寰宇記

京兆鄭後魏置東雍州並華山郡西魏改曰華州

隋書地理志

定城縣隸華山郡

在華陰東十里按志定城縣置於永熙二年

孝武西奔之年

今華

陰定城驛是西魏廢

賈志

敷西縣隸華山郡

符堅姚萇時有敷西縣尋省在華陰縣西南

述征記

敷西城

在縣西三十里即唐之敷水驛

舊志

按魏書地形志華山郡敷西縣太和十一年分夏陽置有武平坊高平城查夏陽在郃陽縣東北與華陰相距幾二百里其云

分夏陽置  
未之詳也

又按府志西魏廢帝三年改後魏華陰縣為武鄉縣於縣治置武鄉郡即臨晉縣地又云隋開皇初改西魏武鄉為馮翊縣在州地今同

**後周**

華陰縣隸華州華山郡

或作華陰郡周書韋孝寬行華陰郡事

府舊志

因西魏華山郡移

於鄭縣西南領鄭華陰二縣

府新志

按唐書地理志華州華陰郡義寧元年析京兆郡之鄭華陰置又按後魏華陰僑置同州界西魏始還舊治後周因之

**隋**

華陰縣隸京兆郡

華陰縣西至華州六十五里大業五年移於今理

元和志

**唐**

華陰縣隸關內道華州

華州華陰郡華陰垂拱元年更名仙掌神龍元年復曰華陰上元二年曰太陰寶應元年復故名

唐書地理志

古雍州大唐分置十五部此為京畿注京兆府華陰馮翊扶風

新平等郡 通典

按唐初沿周隋之置縣屬華陰郡迨後郡迭改為州為府光化三年復為華州而縣亦改隸焉

潼津縣

在潼關縣西唐置

明一統志

天授二年析華陰置潼津縣於關

口長安中廢

舊唐書地理志

廢潼津縣唐則天割仙掌縣置屬統

州聖歷二年割統州潼津縣入太陰神龍三年廢

實字潼記

關城內有潼津橋蓋以故縣而名後廢為關西驛

衛志

五代

華陰縣

梁隸威化軍

一作大安軍

唐隸鎮國軍

一作祐國軍

晉隸晉昌軍

漢隸永興軍

周隸定國軍

**宋**

華陰縣隸永興路華州

一曰永興軍

華州領華陰縣

宋史地理志

按華州志華州天禧間為鎮國軍同州建置表建隆中置鎮國軍天聖二年改鎮潼軍以同州蒲城來屬皇祐改華州華陰郡領鄭下邽蒲城華陰渭南五縣

**金**

華陰縣屬京兆路金安軍宋華陰金仍舊

續通考

**元**

華陰縣隸陝西行中書省奉元路

屬華州

按華州志元復華州後以鄭縣省入屬奉元路領華陰渭南蒲城三縣

明

華陰縣隸陝西布政使司西安府屬華州

華陰元屬華州明因之

西安府志

皇朝

華陰縣隸陝西西安布政司同州府

初隸西安府雍正三年華州改爲直隸華陰遂屬華州十三年同州陞府歸於同州府治

五  
十  
年  
春  
州  
人  
官  
署  
修  
築  
城  
池  
十  
里  
外  
西  
門  
外  
修  
築  
城  
池  
十  
里  
外


州  
人  
官  
署  
修  
築  
城  
池  
十  
里  
外

州  
人  
官  
署  
修  
築  
城  
池  
十  
里  
外

州  
人  
官  
署  
修  
築  
城  
池  
十  
里  
外



# 星分東井圖



按史書天文志井星垣中軍市十三星歷代皆然唯明史天文志載崇正初禮部尙書徐光啓  
 上見界星圖以爲回廊成所載有前後易次古多今少者如井宿中軍市十三星今五是也  
 由是星象家繪列星圖宗之不易茲亦照依云

隋丹元子王希明步天歌井星

八星橫列河中靜一星名鉞井邊安兩河各三南北正天樽三星井上頭罇上橫列五諸侯侯上北河西積水欲覓積薪東畔是鉞下四星名水府水位東邊四星序四瀆橫列南河裏南河下頭是軍市軍市團圓十三星中有一個野鷄精孫子丈人市下列各立兩星從東說闕邱兩星南河東邱下一狼光蓬茸左畔九箇彎弧弓一矢擬射頑狼胸有箇老人南極中春秋出入壽無窮

星分

保章氏以星土辨九州之地所封封域皆有分星妖祥注鶉首

秦也

周禮

自東井十六度至柳八度為鶉首於辰在未秦之分野雍州

晉書

天文志

東井據百川上流故鶉首為秦蜀墟得兩戒山河之首

唐書天文志

井九度至柳三度鶉首之次也陝西布政司所屬之西安府同

華乾耀邠五州皆井鬼分

明史天文分野書

黃帝推分星次以定律度自井十六度至柳八度曰鶉首之次

於辰在未謂之叶洽於律為蕤賓斗建在午今秦分野

帝王世紀

古雍州其在天文東井輿鬼則秦之分野注今京兆扶風馮翊

華陰之西境

杜佑  
通典

西嶽上應井宿之精下鎮秦地之分野

天中  
記

用昏建者杓杓自華以西南正義曰杓北斗第七星也華華山

也杓華西南之地也

史記天  
官書

自華以南氣下黑上赤

史記天  
官書

秦雲如行人

易通  
卦驗

星曜下主方州不知其幾千萬里也區區一隅之地上干天

象者曾若何而亦云星野乎華陰隸於東井之分固矣考之

推測之說正有未易了然者邑居雍之東陬前豫而左冀右

梁卽境言之東接豫之閩鄉閩故周疆鶉火之次於星爲柳  
南界洛南洛志洛南當秦頭周尾與鬼東直柳宿鶉火之次  
北比朝邑朝邑志於天又爲參之分野華封毗連中不百里  
而獨占井度之一線乎唐書天文志鶉首初井十二度中井  
二十七度終柳六度上云實沉初畢中參終井十一度盡西  
河之地西河之濱所以設險限秦晉南曲之陽在秦地衆山  
之陰陰陽之氣并故與東井通則鶉首卽起於東井十二度  
故華州志謂華屬當在鶉首之初初入東井之十二度也下  
云鶉火初柳七度中七星終張自雒負北河之南西及函谷  
盡宏農郡柳在輿鬼東接漢源當商洛之陽則鶉首鶉火相

際華陰固屆於井柳之交仰觀俯察可以得其故矣而或者  
謂華稱陰晉實魏地宜屬參隸宏農遂有華山入柳一度之  
論然則魏徙大梁而參沉於井漢置宏農而井移於柳又不  
無游移之談與帝王世紀四方七宿二十八宿周天三百六  
十五度四分度之一一度二千九百三十二里分爲十二次  
一次三十度三十二分度之十四各以附其七宿間距周天  
積百七萬九百一十三里商州志星宿在天每一度在地應  
二百餘里洛陽志凡星一度二千九百三十二里七十一步  
二尺四寸四分玉堂筆記天之有度猶地之有里一度略廣  
三千里度之最多者無如東井至三十有四若以里較之則

不啻十萬有畸準上準下似非奇袤不及百里者足任也再考趙於京臨潼志引明劉基說云涇渭之南井一其北井二臨潼蓋井初一度中之一分也臨潼距華陰百餘里何度分懸隔若是耶李淳風乙巳占太華爲婁河圖絳象河南流千里抵龍首至卷重山名地咽上爲卷舌星山河之象仰應碧霄又似不麗於念八之垣也職方定位九州犁然繼而分國分野分郡分次割裂離合而立說者遂極糾轢紛呶之數矣斯非管窺能判以俟通曉元象者

封域

疆界 形勝附

華陰縣望

唐書地理志

華陰縣緊 宋史地  
理志

華陰下 元史地  
理志

華陰縣要 明陝西  
通志

華陰縣要衝繁難 乾隆二十年以後蕩除準噶爾剪滅兩金

川立郡建營調發防駐而文德武功覃敷徼外諸國以次款服貢使絡繹莫不經由於此故題定三字要缺

華陰縣治在府東南七十八里東至潼關縣界三十五里西至華州界三十里南至洛南縣界四十里北至朝邑縣界二十

里東南至洛南縣界四十里西南至洛南縣界八十里東北

至朝邑縣界三十里 按縣境東北訖河而止踰河則  
山西永濟境也與朝邑無涉 西北至



渭河大荔縣界三十里西南距省城二百六十里東北至京

都二千百九十里編戶二十七里

同州府志

華陰縣治東至潼關縣治四十里北至朝邑縣治六十里南至

洛南縣治一百七十里西至華州治七十里

同州府志

華陰縣東舊包潼關至河南閿鄉縣界四十五里雍正三年改

潼關為縣建滿城於西遂以滿城西門外分界止三十五里

今滿兵撤徙界仍止三十五里

同州府志

天下山河之象存乎兩戒北戒自三危積石負終南地絡之陰

東及太華逾雷首底柱王屋太行北抵常山之右乃東循塞

垣至濊貊朝鮮是謂北紀所以限戎狄也南界自岷山嶓冢

負地絡之陽東及太華連商山熊耳外方桐柏自上洛南逾  
江漢攜武當荆山至於衡陽乃東循嶺徼達東甌閩中是謂  
南紀所以限蠻夷也故星傳謂北戒爲胡門南界爲越門

河源

自北

紀之首循雍州北徼達華陰而與地絡相會並行而東至

太行之曲分而東流與涇渭濟瀆相爲表裏謂之北河江源  
自南紀之首循梁州南徼達華陽而與地絡相會並行而東  
及荆山之陽分而東流與漢水淮瀆相爲表裏謂之南河故  
於天象則宏農分陝爲兩河之會五服諸侯在焉自陝而西  
爲秦涼北紀山河之曲爲晉代南紀山河之曲爲巴蜀皆負

險用武之國也

唐書天  
文志

華陰太華爲屏首陽爲衛渭洛繞其北大河縈其東四鎮之咽

喉秦蜀之門戶也

元一統志

華山峙其前渭水繞其後左據潼關雄鎮右引下邳洪流

西安府志

三峯壁立河渭環拱如帶

馮從吾縣志序

華陰壤地雖褊小然戴華履河以區區一邑而擅嶽瀆之奇字

內莫能兩也故扼兩戒而稱雄

來紫堂集

邑之結體本乎嶽而以北向爲是峨峨五千仞東西疊嶂層巒雲烟吞吐西北沙苑連延唐之四十八監舊址也風埏孤峙東北其下通津達秦晉之度渭水從西來盤東如帶黃河自龍門而下激浪千層趨赴馮夷故鄉與渭會而東折右比械林風澈密峙左馮桃塞氣貫函關况乎南梁北冀東豫西雍旁不百里而際四州之境謂非奧區神皋昔與若夫河聲嶽色鬱茲華疆其勝旣有不俟

言者矣

封域

里社

鄉曰四畫疆分圻抑若置路然里分隸於鄉而爲三十由西而東列上中下究非低昂之謂也其盈縮之數亦不大相懸殊舊志編戶原三十四里後併其四裁爲三十統以四鄉蓋明萬厯

間制也

今爲三鄉  
二十七里

東南曰華嶽鄉統七里

嶽前里

觀北里

孟村里

義賈里

故真里

關西里

通洛里

潼關里

裁併

西南曰望仙鄉統八里

廓下里

華山里

五方里

臺頭里

敷水里

興洛里 華陽里 分界里 紅真里 裁併

東北曰還義鄉統七里

寺南里 公莊里 定城里 陽化里 北社里

三陽里 渭北里 東柵里 裁併

西北曰保德鄉統八里

王董里 普落里 班莊里 拖定里 大貧里

義和里 南北里 南留里 官莊里 裁併

按邑內鄉里之名亦復有沿革如保德鄉見於侯可墓誌迄今千餘年猶襲故稱至所謂潼鄉宜神鄉習仙鄉隄首里望仙里習仙里登仙里告平里其改易之時不可得而考也

明洪武九年設潼關衛衛軍分居各州縣編之為屯而隸於華

陰者蓋三十三焉星占各里里民視之若贅疣然要亦郊內堡也故得附列於後

五方屯 附五方里 長城屯 馬村屯 段村屯 東敷屯 西敷

屯 古城屯 孟村屯 潼關衛志孟村二屯 曲成屯 東柵屯 潼關衛志東水

屯 蒲谷屯 五橋屯 潼關衛志不載 漁池屯 五里屯 平洛屯

陽化屯 潼關衛志不載 武旗屯 潼關衛志不載 通洛屯 附通洛里 弔橋屯 中嘴

屯 潼關衛志中凸屯 焦家屯 小張屯 管家屯 潼關衛志不載 潼峪屯

興洛屯 金盆屯 阿彪屯 白雲屯 鶯窩屯 潼關衛志不載

故真屯 潼關衛志二屯 段明屯 潼關衛志段谷屯 瑞村屯 橋底屯 潼關衛志不載

封域 山由東而西遵山經也

錢來山

山海經

華山之首曰錢來之山

按是山自在邑之東南但千峯筍立莫能指名也

松果山

山海經

錢來之山西四十五里曰松果之山

寰宇記

在縣

東南二十七里

金史地理志

華陰縣有松果山

舊志

山通襄鄧之間

道上有佛頭崖雲覆其巔輒雨

朝陽山

府志

在縣東南三十里賈志世傳楊伯起葬時大鳥落

羽於此又名留翎巘舊志山勢嵯峨有大郎廟廟有二泉禱

雨多應

鳳凰嶺

胚胎朝陽起伏不一結於泉店鎮南突兀成阜形如

鳳凰故名

龍文山 在朝陽山西

屏風山 誌傳不載見之王士正秦蜀驛程後記在泉店鎮直南或以其形似云

狼山 縣東二十里泉店鎮南土阜也

朝來山 舊志取朝華義俗謂竇峪蓋竇峪之山也

太華山 縣治郭南行平途十里卽山趾也突然峻起中闢函蹊由峪口迄於山巔蓋四十里云太別乎小也亦猶太室少室之謂或云秦華秦岱也誤矣

按山之故實備詳諸誌集中茲僅撮其要領列次於後可以覽而得之矣

稱名

曰山曰嶽從乎其文稱之不相蒙也



八月西巡狩至於西嶽

史記封禪書

西嶽華山也

書舜典

西傾朱圉鳥鼠至於太華

孔疏

地理志云太華在京兆華陰縣南

蔡傳

太華雍州山也地志在京兆華陰縣南今華州華陰縣二

十里也

書禹貢

大宗伯五嶽

鄭注

西嶽華山

周禮

大司樂五嶽

鄭注

華在雍州

周禮

職方氏豫州其山鎮曰華山

顏注

即華陰之華山

通鑑注

舜分十二

州豫州華山

周禮

京兆尹華山

注

太華山在南有祠

漢書地理志

西嶽者華山也

漢書郊祀志

宏農郡華陰有太華山

後漢書郡國志

華山在縣西南

晉地道記

華陰縣有華山

隋書地理志

關內道名山曰華山

唐書地理志

華陰有華山亦曰太華即西嶽也

明史地理志

華山為西嶽

爾雅

河南華

注

華陰山 疏山在河之南故曰河南華在華陰縣界故

曰華陰山也

爾雅釋山

天下名山八而三在蠻夷五在中國中國華山首山太室太山

東萊此五山黃帝之所常遊與神會

史記封禪書漢郊祀志同

華山西嶽也五嶽何以視三公能大布雲雨大歛雲雨焉雲觸石而出膚寸而合不崇朝而雨天下施德博大故視三公也

說苑

太華之山卽西嶽華陰山也今在宏農華陰縣西南

山海經注

太華在京兆華陰縣南

括地志

十道一曰關內道古雍州之境其名山太華之嶽在焉

六典

大華在華陰縣南八里

元和郡縣志

十道山川考太華山在華州華陰縣南八里

地理通釋

華山五嶽之西嶽也

名山志

禹貢山水澤地所在華山爲西嶽在宏農華陰縣西南 注古文

之惇物山也

水經注

華山古文以為惇物

括地志

太華即惇物山

史記索隱

上元二年改華山曰太山寶應元年復故名

唐書地理志

釋義

音有戶化胡瓜之殊緣義而稱各有取爾則兩存之矣

西方為華山少陰用事萬物生華故曰華山

白虎通

嶽者何謂嶽之為言桷也桷考功德定黜陟也西嶽為華

白虎通

西嶽為華山者華之為言穫也言萬物成熟可以得穫也

白虎通

西方華山華者華也萬物滋然變化於西方也

風俗通

縣有華山山海經曰其高五千仞削成而四方遠而望之又若

華狀西南有小華山也

水經注

山頂有池生千葉蓮花服之羽化因名曰華山焉其三峯直上

晴霽可觀

華山記

華西岳名在宏農華陰從山華省聲

說文

張說西岳碑之西岳太華山者當少陰川事萬物生

華故曰華山然則不當為去聲也 研北雜志

書禹貢西至於太華陸德明讀如字今讀去聲

字典

本作華俗作華

正字通

古作華音話六書正譌隸用華著太者隆之也

王宏撰太華山記注

華山華故華之

文翔鳳

星占

天文家言之各著其說應有所徵也

用昏建者杓杓自華以西南

正義

曰華華山也

史記天官書

宏農華山入柳一度

晉書天  
文志

太華為婁

李淳風  
乙巳占

太自主華陰山

漢書天  
文志

西方白帝其精白虎為七宿奎婁胃昴畢觜參司秋司金司西

嶽星經

鶉首實沉以負西海其神主於華山太白位焉

唐書天  
文志

干支分野唐天官書庚辛華山以西

玉海

形勝

拔地而興蟲蟲焉去天尺五矣  
雖前賢極言之不能罄其概也

太華之山削成而四方其高五千仞其廣十里鳥獸莫居

注今

山形上大下小峭峻也

山海  
經

華山四州之際東北冀東南豫西南梁西北雍十字分之四隅

為四州

九城志

華山在長安東三百里不知其幾千仞

一作

如半天之雲

三秦記

華有三峯直上數千仞基廣而峯峻疊秀迄於嶺表

實字記

華山有二岑直上數千仞其下小岑疊秀迄於嶺表有如削成

述征記

太華即西嶽神君之旒數多於十二

名山記

華嶽之勝不惟峯巒聳削上干青冥而泉水縱橫迅復飛薄懸

瀑驚濤澄潭急澗觸風烟瀉日月迸流霞嶂戛擊亂石間者

前後接響東嶽不逮也水下流經嶽殿前至後為大池冬夏

不乾 九域圖疏

蓮花峯上有三峯上接三光中有石池二十八所上應二十八

宿青松綠竹叢生高岡白雲萃靄旋於幽阜懷蘊金玉蓄藏

風雷為大帝之別宮迺神仙之窟宅也 昭文館記

華山古之惇物山也高七千丈洞周迴二千里名太極總仙之

天少昊為白帝治西嶽巨靈神手擘其上足決其下以通河

流以救民洪波之難仙掌之形燦然瑩目上應井鬼之精下

鎮秦地之分野 雲笈七籤

西嶽華山名太極總仙之天一名太白一名物山上元二年更

名太山地肺女兒為佐命西城清城峨嵋嶓冢西元戎山吳



山爲佐理

洞天福地記

君子若華山然松柏既多矣望之盡日不知厭 晏子

形如古司寇冠

按五嶽眞形見於道教諸籍華山之圖其狀若古司寇冠峨峨然也故莊子云作爲華山之冠以自表馬明卿華山圖跋謂以少陰用事名司寇冠非是

華山多好峯 玄中記郭熙山水訓

華山如立 天祿識餘癸辛雜志

東夷有識山川者徧禮五嶽一拜而退惟入關望華山自關西門步步拜禮至山下仰望歎咤七日而去謂京師衣冠文物

之盛由此而致 語林衣冠盛事

唐韓愈  
華山詩

洪鍾作高山大氣故其橐俄然神功就峻拔在寥廓  
靈蹤露指爪殺氣見稜角凡木不敢生神仙聿來托天資帝  
王宅以我爲關鑰能令下國人一見換神骨高山固無限如  
此方爲嶽丈夫無特達雖貴猶碌碌

鄭谷太  
華山

峭仞聳巍巍晴嵐染近畿孤高不可狀圖寫盡應非  
絕頂神仙會半空鸞鶴飛雲臺分遠靄樹谷隱斜暉氣中寒  
渭闊影外白樓微雲對蓮花落泉橫露掌低乳懸危磴滑樵  
徹上方稀

張喬  
華山

誰將倚天劍削出倚天峯衆水背流急他山相向重樹  
黏青靄合崖夾白雲濃一夜盆傾雨前湫起毒龍

李洞  
華山 碧山常凍地長秋日夕泉源聒華州萬戶烟侵關令宅

四時雲在使君樓風驅雷電臨河震鶴引神仙出月遊峯頂  
高眠靈藥熟自無霜雪入人頭

韓琦  
華嶽 兩行修竹夾雲根引入蓮峯山下村病骨驚魂安氣母

幽亭淑景壓山蓀金堆望遠千灘出玉漏聲喧萬馬犇坐歎  
空勞無計處却尋歸路日黃昏

明李夢  
陽華山 有嶽雄西土三峯插渭川省方朝白帝分野障金天

逸矣威靈赫遐哉秩望虔百王開寶籙七聖演瑤紉綺殿丹  
青列文窗俎豆聯風雲蒸大壑日月避層巔鸞舉天門闢鰲  
陸地軸旋岩巒莽翁沓嶺障鬱繇翽猿掛仙人掌蘿飛玉女

泉霞霽夕的鑠錦繡曉相鮮  
葛藟搖金壁芝苓冒紫烟  
石膏滲復結鍾乳滴猶懸  
右壓秦胡壯南包漢鄧  
偏徒追散馬日緬憶祖龍年  
箭括通神戶雲臺祕妙筌  
豈惟栖鳳侶亦以遞鴻賢  
方士騎茅狗宮人採石蓮  
奉帷瞻窈窕拄笏悵攀緣  
陰井邀雷馭陽岷起電鞭  
聊遊凌絕頂不爲學神仙

峯洞

峯巒羅列比之兒孫分峙之數匪止若六六也就其著者籍之而巖穴石室夙號洞天云

南峯

松檜爲南峯

王宏撰太華山記注

華嶽惟南峯最高華嶽之元首

秀氣所獨鍾也昔有細人鑿石爲祠已被許文宗毀去特其損鑿者未經培復靈氣未盡凝聚耳是有望於後之留意者

自青柯坪至南峯頂稱二十里

華嶽全集

東峯 明星玉女為東峯

太華山 記注

東峯朝陽峯也

名山志

東峯岡

石斜削可數十丈鑿足跡手援以上

三才圖會

西峯 蓮花為西峯

太華山 記注

西峯曰蓮花峯一曰芙蓉峯

雍勝略

落鴈峯

落鴈者即南峯之別巔

太華山 記注

李白登華山落雁峯

曰此山最高呼吸之氣想通帝座矣恨不持謝眺驚人詩來

搔首問青天耳

雲仙雜記

雲臺峯

雲臺峯者北峯也

太華山 記注

自犂溝行四里許至雲臺

峯

圖書編

雲臺峯在嶽東北其山兩峯崢嶸四面懸絕上冠景

雲下通地脈嶷然獨秀有若雲臺下有穴昔有人入此穴出

東方山行云經黃河底上聞流水之聲周武帝時道士焦道

廣獨居此峯辟粒餐霞常有三青鳥報未然之事武帝親詣

山庭臨軒問道因而谷口置雲臺觀後弟子洪仙等見師道

廣乘一物如麟往而不返矣

華山志

甕肚峯 華嶽雲臺觀中方之上有山崛起如半甕之狀名曰

甕肚峯上賞望嘉其高迥欲於峯腹大鑿開元二字填以白

石令百餘里望見諫官上言乃止

開天傳信記

白雲峯 白雲峯在嶽之東北唐金仙公主修行之所 華山志 大

上方僻路亦峻人罕至之其上有唐金仙公主墓

太華山記注

駕

鶴軒在中方半路乃金仙公主成道乘鶴昇天之處也

華山志

按此既已仙昇焉得復有葬墓考之唐書公主傳亦不載入華修行之事姑存可也

仙掌峯 仙掌在東峯東北雍勝略綴以二華巨靈最巖高掌遠

蹠以流河曲厥跡猶存張衡西京賦河靈矍踴掌華蹈襄楊雄河東賦

有巨靈胡者徧得坤元之道能造山川出江河遁甲開山圖華山

對河東首陽山黃河流於二山之間古語云此本一山當河

河水過之而曲行河神巨靈以手擘開其上以足踏離其下

中分爲兩以通河流今睹手跡於華嶽上指掌之形具在脚

跡在首陽山下亦存焉述征記昔太乙未分山海太行王屋白

鹿河水停於此川號爲西海及巨靈大人秦洪海者患水浩

蕩以左掌托太華右足踏中條太乙爲之裂河通地出山遂

高顯法苑珠林華嶽掌其石丹紫如人肉色日照則見暮則漸隱

賈氏  
閒談

唐吳天觀道士能易善筭對太乙元君云劈太華者雖云巨靈

實夸父之神也

道藏書

王涯仙  
掌辨

太華之首峯有五崖比壑破崖而列自下遠而望之

偶為掌形俗傳則曰巨靈擘剖掌跡猶存

陳以忠遊  
華山記

巖壁黑

色石膏自壘中流出隨膏凝結黃白相間遠望之見其大者

五岐如指後人好奇遂謂巨靈擘山掌跡猶存

馬明卿翠  
嶽全集

仙

掌形自縣望之五指分明其為掌形無疑然至峯下寶石岨

空懸亦光燦爛耳傳言巨靈擘嶽之痕事固神異不敢謂為

不然亦豈謂為然耶

王宏嘉太  
華志概

仙掌遠望之如人五指遂傳



爲巨靈掌跡卽之乃蒼白石相間耳王涯以爲偶爲掌形近

是 王宏撰太華山記注

或曰掌巨靈手盪跡也見述征記惟首陽山亦

有足踢痕焉荒矣壁卽東峯掌赭色余嘗至其拇下有石穴

穴產石如水晶有五色然脆不可爲用

東蔭商華山經附辨

混沌之始

事難周知吞卵履拇騎龍化熊諸如斯類載在經史山海經

一書太史公異之而不敢非巨靈擘山存而不論可也

公主峯 與雲臺峯相近昔南陽公主漢元帝女下嬪王咸綏

和間王莽秉政謂咸曰國危勢亂但當退而修身咸不能從

公主遂結廬華山歲餘精思丹道乘雲氣冉冉而去咸追之

漠然無迹忽於嶺上見遺朱履一隻取之已化爲石後人名

其峯曰公主峯潘安仁有公主峯記

述異記

夾嶺 夾嶺廣裁三尺餘兩箱懸岬數萬仞窺不見底騎嶺抽

身漸以就進故世謂斯嶺為搦嶺矣

水經注

嶺凡兩折中突旁

殺如背色正黑

王履華山記

嶺廣尺有咫長五百丈厓東西深數

千仞人莫敢睨視

李攀龍太華山記

嶺以一線路達削成四方上蓋

非是則幾於天不可升矣故無級級之自唐始後又欄之雖

猶之梯於空也亦可以無恐矣

王宏撰註

按此即今所謂蒼龍嶺也嶺形遠望如龍脊故云

屈嶺

自上宮東北出四百五十步有屈嶺東南望巨靈手跡

惟見洪崖赤壁而已

水經注

西峯有一臂詰曲如蒼龍嶺廣倍

之名曰屈嶺度嶺徑巨壑四五乃至南峯 說鈴

華山洞 第三西嶽華山洞周迴三百里名總仙洞天 小洞天記 墜

石為仙號七星五門日月配元程雲飛雨散天中去管得林

巒生異名 素靈真人讚 華山洞名太極總仙之天即少昊為白帝

治西嶽 洞淵集 太極總仙洞在毛女峯之西壁中有洞乃曰太

極總仙洞 華山志

正陽洞 嶽有四洞南曰正陽 登真隱訣

昭陽洞 嶽有四洞東曰昭陽 登真隱訣

西元洞 嶽有四洞西曰西元 登真隱訣 第四華山西元洞周迴三

千里名極真洞天其洞中天地高大日月星辰風雲草木與

外無異惟日月停輪耀赫朗接太空乃長春之境也宮闕樓

臺盡是金玉七寶所成旁生紫林芳花玉髓金津並洞天之

境也

大洞  
天記

異果奇花不可名尋真何用到蓬瀛碧雲天地洞

中列白玉樓臺象外生萬壑芝蘭盤峭拔千峯嵐靄聳崢嶸

八公會此分金液服盡全家上太清

素靈眞  
人讚

水簾

洞在嶽北面牛腹中

雍勝  
略

嶽有四洞北曰水簾一名石

仙深三百里中有瑤臺玉室樹則蘇茅芳林泉則石髓金精

遙望方圓可丈餘鳥道絕通人蹤罕到時出異色雲炁洞口

上有丹石間青石似丹青畫出仙人之狀冠帔衣服無不周

備高下大小如人形號曰石仙人上有瀑布飛流直下三千

餘丈

登真  
隱訣

毛女洞

秦時宮人字玉姜入山隱此峯上食柏飲水體生綠

毛人常見之有毛女洞至今洞中猶聞鼓琴之聲

雍勝  
略

國朝王士正

毛女洞詩

毛女負琴去倏然松杪飛青冥風露冷彷彿見

天衣

桑譙元毛

女洞詩

瀑泉落幽澗松風迴遠林耳根蕭然淨如聽玉姜

琴洞門人跡斷秋苔蔽重岑女中有逸士山高水何深

古丈夫洞

在北斗坪之西有臥虎石北有靈芝石獅子巖

志

泉池

山下出泉大抵皆是而華則獨  
為坎上艮下之占固足異也

玉井 在蓮花峯旁

雍勝  
略

深可十丈圓徑半之

三才  
圖會

華陰山頭

百尺井下有流泉徹骨冷可憐女子來照影不照其餘照斜

嶺 古捉 擲歌

蒲池 華山上方七里有靈泉二所一名蒲池 述征 記 上方七里

靈泉二所一名蒲池西流注於澗 水經 注

太上泉 華山上方七里有靈泉二所一名太上泉 述征 記 上方

七里靈泉二所一名太上泉東注澗下 水經 注 老君洞次北有

太上泉 王處一 華山志

太乙池 蓮花峯上有太乙池 華山志

白蓮池 蓮花峯上有白蓮池蓋卽玉井別名也 華山志

黑龍潭 在頂之南峯上人間曠旱祈求必雨宋崇甯二年准

勅神封顯潤侯華山志龍在則水黑去則水清華之頂門水也

華山

見聞

仰天池 在嶽頂中華嶽全集太上泉俗謂之仰天池武陵楊嗣昌山記洗

天池高絕淳泓不泐水窟作府夙為龍巢孟津十鐸登山記登太頂

觀仰天池即圖經所謂太乙池者水纔一泓冬夏不盈耗其

言互異也中丞喬光烈山記

洗頭盆 玉女祠前有石白五枚白中俱有水號曰玉女洗頭

盆其水碧綠澄澈旱不減耗雨不加溢集仙錄洗頭盆前石裂

可五尺以石投之食頃猶有聲或云下通黃河三才圖會

八卦池 花峯上有八卦池華山志

二十八宿潭 二十八宿潭在玉井旁 華嶽圖 太華山上有二十

八宿潭 陝西通志 蓮花峯上有石池二十八所上應二十八宿 昭文

館記 蓮花峯之下有石窪如臼凡二十有八上應列宿自北而

南如貫珠自崕端掛下山腹水簾洞洩之 三才圖會

道路 削成之體四面嶄然若非北壁一線則無可階升矣登降之途詳於諸記茲特略舉之焉

華山從麓至頂升降迂迴凡三十三里 述征記

土地臺在華山峪口未詳其命名所始阜雖不高而仰視峯巒

俯臨黃渭亦足放眼上建西嶽行宮云自元時卽有之明三

陽里耆士重加修理招羽流任持捐買山坡地雜植菓樹以

資香火凡登嶽者多於此爲初步憩足之所也



第一關 第一關自玉泉院至關五里 圖書編

第二關 希夷峽四折四十步過第二關大石中分若斧劈者

都穆遊  
華山記

五里關 入山兩山對開嵐光交墮行五里至五里關往時避

兵者就險壘石為關 遊華山記 自谷口上陟五里為五里關關上

即桃林坪山色四圍鳥語花香即非人世華嶽之勝當漸入

矣 華嶽全集 桃林坪在五里關上山色四圍 圖書編 白山蓀亭而上

履石緣溪蜿蜒凹凸行者五里曰五里關一夫守之衆無所

用矣 太華山記

十八盤 踰娑蘿坪至十八盤山最陡者十有八折乃得上故

名 三才副會

金鎖關 卽三峯口也 華山記

通天門 在蒼龍嶺上石角外向如雉堞唯一門可通 仇池單記

人橋南銜石背而上爲通天門 華山游記 杜甫詩 箭括通天有一門

東元門 太極東元門自細辛坪東過溪口登巨石上有鉄坊

曰太極東元門 府志

西元門 西元門周迴三十里名極真洞天乃長春之境 十大洞天

記 上方峯攀鑿盡處有石罅號西元門 王履登山記

御道 御道在仙掌峯之北乃昇嶽之路也漢武帝唐元宗曾

遊此因名御道今兩旁有石白子乃當時栽豎闌杆用錦繡

遮護危險峯頂須由御道跨蒼龍臨雲臺天井徑下有百尺

狀自頂至青柯坪二十里青柯坪出谷口二十里

華山志

南天門

自避詔岷東走為雷神祠一石坊為南天門

太華圖說

南

峯西南一小峯下有峽曰南天門西出當南峯之背登者於

斯瞪目遠眺萬峯如筍出極諸商洛間矣

說鈴

按括地志華山古文以為惇物雲笈七籤華山古之惇物山也水經注華山古文之惇物山也斯皆誤矣尚書禹貢惇物孔傳惇物垂山也疏云垂山古文以為惇物水經禹貢山水澤地所有惇物山在扶風武功縣西南也尚書蔡傳惇物地志古文以垂山為惇物在扶風武功縣今永興軍武功縣也是鳥得以華山為惇物與朱謀璋水經注箋禹貢云終南惇物至於鳥鼠按禹敘雍州不言華山故以惇物當之然西傾朱圉鳥鼠至於太華已記之矣漢書云惇物垂山也豈垂華字相亂耶此說是而猶作舍混經文未晰不足以破其誤終南惇物至於鳥鼠由東而西也終南尚在華山之西四百里外惇物又隔矣西傾朱圉鳥鼠至於太華由西而東

也終南惇物自在其內華  
山惇物東西杳不相屬也

按華山靈秀甲於關西峯麓名勝不可枚舉茲故撮其大者著之  
餘若上方峯大羅峯毛女峯白玉峯繫馬峯香爐峯量掌峯玉女  
峯石樓峯蓮蕊峯孝子峯朝牙峯松檜峯玉柱峯蒼龍嶺熊牢嶺  
飛魚嶺青石嶺留翎嶺焦公巖神土巖冲霄巖種子巖玉皇洞金  
天洞八仙洞昊天洞寥陽洞三元洞朝陽洞三茅洞蓮花洞三清  
洞碧天洞碧雲洞老君洞雷神洞毛汝洞古丈夫洞毛刀三洞日  
月崖車箱崖全真崖俯渭崖避詔崖捨身崖擦耳崖黃龍潭二十  
八宿潭桃花坪臥仙坪娑羅坪青柯坪北斗坪細辛坪種藥坪博  
臺土地臺會仙臺三皇臺望仙臺摘星臺聚仙臺王猛臺道德臺  
紫氣臺鐵牛臺三里龕斗陽龕八仙龕白鹿龕八公龕希夷堂華  
雲堂希夷峽百尺峽千尺幢老君犁溝試鑿穴谷口回心石飛泉  
寶旭石龍口石仙人煉丹爐仙油壺二仙橋單人橋玉女窩駕鶴  
軒算場石月洞元石室五將軍樹將軍面仙人礪闔王礪石  
龜躡糊猴愁之類附誌於此以備檢閱其詳則有華嶽志在

### 三公山 三公山在嶽東南三峯森秀上象三臺

峯麓名  
勝記

### 三公

山在嶽之東南有三峯巖然各秀上象三臺副此列嶽故號

三公華山志天門南望三公山三峯如食前之豆是白帝之所

觴白神也李攀龍太華山記南峯背臨絕壑壑外更為三峯名三公

山高與前埒兩畔千峯林立若青蓮瓣瓣擁護華山記燕濟字

子徵漢明帝時居三公山石窰中苦毒蛇猛獸邪魔干犯遂

下山改居華陰縣菴中栖息三年忽有三道者投菴借宿至

夜談三公山石窰之勝奈有邪侵內一人云吾有奇香能救

世人苦難焚之道得自然元妙可昇天界濟得香復入山中

坐燒此香毒蛇猛獸悉皆遯默忽一日道者散髮背琴虛空

而來將此香方寫於石壁乘風而去題名三神香能開天門

地戶通靈達聖入山可驅猛獸可免刀兵瘟疫久旱可降甘

霖度江可免風波有火焚燒無火口嚼從容噴於起處龍神  
護助靜心修合無不靈驗濟後竟乘雲而去

乘香

三鳳山 三鳳山在三公山稍西山巔各一石起立如危欄相

倚環三峯者層樊細皴如千葉寶蓮

楊嗣昌華山記

升山 干渠水南出升山

水經注

良餘山 良餘水南出良餘山之陰一作餘良

水經注

餘良山在

華陰縣西南三十里

寰宇記 按庫本從永樂大典較正作糧餘

天臺山 在竹峪內記傳無聞舊志謂之附曾良然

王宏撰修天臺山古廟記

華山之西有竹峪緣峪而行路才容人蜿蜒二

十里前者見趾後者見頂木森蔚鬱鬱葱葱青岩隆起有

門如竇其上平衍廣百餘弓有殿南向者三一祀玉皇一祀  
雷公一祀三大士有泉二匯而爲潭不待潯陽之杖叩清源  
之手闢淵淵湜湜雖極旱不涸是曰天臺通元真人曾晒經  
於此旁爲鹿圈觀道士仇潤之之所經營也自大觀迄今幾  
千歲時久坍塌僅存遺址羽士焦餐石陽壽求諸四方之尙  
義好施者重加修葺而屬予爲言予嘗聞客談天下山水之  
奇必先及越之天臺以其當斗牛之分上應臺星故曰天臺  
予邑當東井之次此山遙隔三千里雲霞不相接李元之去  
而就之也視之如一貌茲名也詎無以乎餐石性樸而剛有  
志學仙年及三十有妻有子矣一旦棄去入山唯恐不深居

則偃臥如槁木出則行乞於市時而籓冠草衣時而披髮赤  
脚又時而簪花舞劍見者率以風顛目之而養色含津氣粲  
然有心理其中固未易測也夫蟬葉蔽身受欺於人人以爲  
癡不知癡者之不癡而更以不癡者爲癡也則人之爲所欺  
也久矣其餐石之謂耶華山之學仙者前有焦道廣辟粒餐  
霞是周武帝之所爲置雲臺者也有焦孝龍危坐一菴入火  
不灼臥雪而顏色赫然者志所稱焦公巖其遺跡也今將得  
餐石而三矣昔一行求師資欲窮大衍以天臺松下水西流  
爲徵予學易有年觸緒興感行將與餐石爲猿鶴之侶長生  
久視非所敢言而履道坦坦幽人貞吉亦庶其不爲塵羈所



繼也已四方君子有同心者其必有以與之矣

羅敷山 華山之西有一山名曰羅敷山

華山志

按酈道元渭水注有敷谷而無羅敷山名自唐白居易易作羅敷水詩王處一井添一羅敷山矣辯另見

鳳居山

辛繕隱居於此有大鳥棲繕槐樹旬時不去後人因

以名山

央疑注

開元中有鳳逐二龍至此龍墜地化清泉二道

鳳憤而死山僧以石函其骨瘞之山巔為塔覆之景泰癸酉

鄉民因築城取塔磚石函始露上有刻字景祐四年重修啓

函鳳頸骨長二尺圍可六寸股骨長尺五寸圍如頸骨其潔

如玉語云鳳喜食龍腦故龍畏之

偃暴餘談

鳳谷塔在華陰縣西

鳳居山

陝西通志

方山 在縣西南隅界於兩華之間

秦嶺 橫亘縣境之南秦嶺天下之大阻也史記秦嶺東起商洛

西盡汧隴東西八百里三秦記屬華洛分壤之界西接華郡東

抵潼關懸崖疊嶂高不可攀通行者皆曲徑耳實終南一

派舊志

佛頭崖 松果之山有佛頭崖雲覆其巔輒雨三十里抵縣界

為襄鄧便道舊志

王宏撰募修關中為天下首而潼關以臨中原實扼其吭具

佛願崖文 建瓴之勢南阻絕巘北陷洪河然弗莽用蹊伏牛鎮渡是謂

崇期南三十里奇有谷曰潼以潼水洄流故即達拒陽道固

合方氏所弗敢廢也厥有岐旁嶽嶷沈瀟蜿蜒行前者見趾  
後者見頂徇是者十里獨岬突兀起人相傳稱爲佛頭蓋謂  
其凸凹礪礪狀似佛頭然故名羣峯拱趨萬木蒼鬱談形勝  
者尙之爲殿爲洞者數以像諸佛菩薩爽曠攸宜一泉出洞  
側澗瀆澌漫秦晉之間有魃虐禱之輒有霖應人以是尤神  
之孤巖旁峙爲埒一石視之如菡萏初發擬鑿洞以奉三教  
聖人夫三教之名唐以後始有之其說不經君子有世道之  
憂焉然所從來已久里人之意有匪可以口舌爭者今方鳩  
工它材圯者復之缺者補之顧其費頗鉅而周自孝者獨慨  
捐四十緡以爲衆倡乃羣詣予乞有言以勸維時四方底定

廬落整頓耕耘以時而兵憲公振綱肅紀郊圻有澄清之樂  
而于于而吾吾卽出所有餘以綴太平之色亦其情之所不  
悵者予是以云

潼谷

洛南縣志

北七潼谷嶺接華陰縣界谷勢窄峻峻嶺重崗爲

南通商洛之要徑也

水谷

小月溝水發源之峪也

靈谷

水經注

泥泉水出南山靈谷

洛南縣志

三要司巡檢治北至靈

谷三十里

蒲谷

潼關衛志

明崇正八年十月流賊滿天星從蒲谷突出千騎

薄潼關官兵禦之賊敗奔靈谷口遁去

秦倉谷 莫究其得名之義元末楊儼隱居於此

寶谷 卽朝來山之峪也峪之西崕有二洞昔道士刁自然王

遙修真于內俱登仙去土人遂以王刁洞呼之

黃神谷 真人黃蘆子隱居之所也

華嶽志 谷在嶽之東

李白黃神谷讌臨汝  
裴毗陵十四明府序

黃蘆子滅景上漢千歲矣留碧峯白雲

以貽後世故清機勝事未始有極余使集作於華之明年道

侶裴冀亦再命爲臨汝令夏六月假道敝邑稅鞅此地集作

思欲追高步詣真境於是相與攜手及二三友生童子將命

者六七人挈長瓢荷大壺以濁醪素琴曾於黃神之谷興也

按谷之西頂實三峯東西石壁藂倚東爲洞壑乳竇潛泄成

盤渦兩岨合關若與天接二三子將極其深也集作登探也至則

繫馬山足披藜石門入自洞口至於梯路蹋連嶂而輿疊嶢

度嶇嶽而躡凌兢夤緣絕磴及橫嶺而止澡身乎飛泉濯纓

乎清漣想夫君俟我於蓮花峯之下九字集作花峯字碧集作碧空而嬋

娟愛而不見搔首空山然後靡靈草以爲席傾流霞而相歡

集作勸非楚歌徐動沂詠亦發清商激於琴韻白雲起於筆鋒是

日也高興盡而世緒遺幽情形而神機生頽然覺形體集作骸

六藏悉爲外物天地萬有無非秋毫既醉且止集作亦既醉止則亦

足言以志仙跡且旌吾友嘉曾之在山也按序余吏於華之明年應是代縣令

也作

藏馬谷

雍勝略

在華山東與黃神谷相近漢武帝求仙有神馬

自華山出馬不久留尋之在此谷石龕下故又名藏馬龕

張超谷

楊嗣昌記

五里關南為張超谷

牛心谷

方輿紀要

在華山東

華山記

昔楊震微時隱遯居此謹授羣

書學者如市其谷多槐故稱楊震槐市

文仙谷

賈志

在華山東呂真君修道處

雲峯谷

華山記

在試鑿穴之後

仙谷

或謂車箱谷

寰宇記

車箱谷在縣西南二十五里

杜甫望  
嶽詩

車箱入谷無歸路卽此

甕谷

舊志

峪口環抱如甕爲商維徑道險惡前令王時雍修

治之入谷四十里至甕嶺東轉爲華陽山卽維境也

雜南

北境之山曰華陽山其陰爲太華山

按舊志入谷十里爲吳

王墓無所指稱去之

桃谷

舊志

以多桃得名入谷八里相傳爲張果曬經處

竹谷

宜竹園圍相延故名

敷谷

舊志

羅敷谷一曰大敷谷別於小敷也

按水經注敷水南出石山之敷谷無所謂羅敷大敷之稱也唐權德輿敷水驛詩白居易過敷水詩皆以羅敷事實之而元王處一華山志華山之西有一山名曰羅敷之山王士正秦蜀驛程記敷水出羅敷谷攷古今注陌上桑出秦氏女子秦氏邯鄲人有女名



羅敷爲邑人千乘王仁妻仁爲趙王家令羅敷出採桑於陌上趙王登臺見而悅之因飲酒欲奪焉羅敷乃彈箏作陌上桑以自明當時秦趙境地隔絕權白何所引據而使此水冒女子之名主處一又衍而增一羅敷之山殊未詳也至小敷之名查華州志羅敷橋水註謂源出小敷谷蓋卽馬嶺山之水也而水經注亦無小敷字樣悉後人添出者耳因誤成誤辯之以質博古之士

葱谷 其義未詳 府志 在縣西南三十五里

太谷 舊志 葱谷西爲太谷 北魏書 泉企傳 泉企孝武初加車騎大將軍

左光祿大夫齊神武專政魏帝有西鎮之心欲委企以山南之事乃除洛州刺史末幾帝西遷神武率衆至潼關企遣其子元禮督鄉里五千人北出太谷以禦之神武不敢進

按洛南志東北太谷南北安隘明設石冢坡巡檢司潼關衛志太谷城南四十里據此宜在東南

封域 水 由西而東仿水經也

渭水 西自華州界入境東訖公莊里入河亘於縣之北隅爲

朝華兩邑分疆之水山海經 烏鼠同穴之山渭水出焉而東流

注於河郭璞傳 出山東至宏農華陰縣入河水經注 渭水東過華

陰縣北酈道元注 渭水自合石橋水又東敷水注之又東良餘水

注之又東合黃酸之水又東逕平舒城又東逕長城北長澗

水注之又東經華陰縣北洛水入焉鬪駟以爲漆沮之水又

東沙渠水注之又東逕定城北又東泥泉水注之又東入於

河春秋之渭汭也陝甘資政錄 葫蘆灘在縣東北舊洛水入渭處

春秋說題辭 渭之爲言布也渭渭流行貌雜兵志 渭水出氣如蜃博雅

釋水 渭謂也水出渭水爲梁晉書天文志 渭水氣如狼白尾

方山水

舊志

水不常有潦則水從分界直北兼受華州諸水浸

洪而東合於葱谷水正德壬申郡守桑溥引導北流令邑令王九疇始修之水復故道

葱谷水

舊志

經臺頭村東北流入渭按谷水今北流經孫莊梁

村至南北灘村八渭

敷水

水經注

敷水南出石山之敷谷北逕告平城東又北逕集

靈宮西而北流注於渭

舊志

入谷三里為百索潭二十里為搗

鼓潭其谷受秦嶺以北東西諸水以故其水最大沙衝民田

經敷水鎮東北透至灘子里入渭

土土正秦蜀驛程後記

敷水出羅敷

谷谷受秦嶺以北諸水樂天詩上得藍輿未能去春風敷水

店門前

白居易過  
敷水詩

垂鞭欲渡羅敷水處分鳴騶且緩謳秦氏雙蛾久

冥冥蘇臺五馬尚踟蹰村童店女仰頭笑今日使君真是愚

白居易羅  
敷水詩

野店東頭花落處一條流水號羅敷芳魂豔骨知

何處春草茫茫墓亦無

許渾途經  
敷水詩

修娥顰翠倚柔桑遙謝春風白面郎五夜有情隨

暮雨百年無節待秋霜重尋繡帶朱藤合更認羅裙碧草長

何處野花何處水下峯流出一渠香

良餘水

水經注

水南出良餘山之陰北流入於渭俗謂之宣水

也

舊志

在縣西二十里

黃酸水

水經注

渭水東合黃酸之水世名之為干渠水水南出

升山北流注於渭

舊志

縣西南五十餘里有升山黃酸水出焉

北流至干渠頭東流過頁橋合仙谷水又北逕縣西長城橋

下東流入於渭按此即今所謂甕谷水也東流合仙谷水而

北注於渭

于渠今水經注刊本自作

于字者或作干渠皆訛

車箱潭

雍勝略

車箱潭在仙谷內十里

元覽

天下水府一十八處

西嶽車箱潭則第七水府也

寰宇記

在縣西南二十五里一名

車子渦去敷水谷七里深不可測禱雨者以石投之其中有

一鳥飛出應時獲雨

華山志

宋明道時朝廷歲遣使投金龍玉

簡崇寧二年奉勅封爲豐潤侯舊志其水出谷西北流踰坊車

遞北經長城橋東北流至土落坊入於渭

按谷水西合襄谷水北注俗謂之柳葉河蜿蜒至土落坊入渭

長澗水

水經注

水南出太華之山側長城東而北流注於渭水

舊志

太華山二泉合流直瀉山下出谷西北流過朝元洞循長

城而北注爲王家河過縣西門外爲西河西轉北折而東流

爲清河東三十里至真莊入於渭按山水本自峪口東流逕

雲臺觀東轉而西北康熙四十二年山水陡發衝決由觀南

西流北折而爲長澗北注今由上村堡東北入渭其故道久

堙矣

大澗水

華山志

黃龍潭在神谷口祈雨感應神封廣潤侯

舊志

其

水西北流入長澗水俗曰大澗按谷水今從峪口分流一北

注入城灌泮池盈則由城東西折會升文橋一流入長澗

小澗水

源出竇谷

舊志

其水西北流曰小澗自縣城南入長澗

按今谷水從谷口分為兩支一鑿渠北流與醴泉水合注於

嶽廟一循舊歸長澗

玉泉

華山志

在張超谷口其水色如漿因此置玉泉院

范守己登山記

雲臺觀門直張超谷口谷中水出谷散流石隙間少西折而

東北經觀前匯為瀆而去按玉泉自康熙四十二年山水衝

廢

醴泉

華山志

在古菴直下其水微有酒香醇氣為國之瑞屢招

鳳飲此與玉泉皆瓊漿玉髓人久服之可去沉疴也按今泉

水西流與寶谷水合北折而匯於嶽廟之後苑放生池中

按峯麓名勝記醴泉在玉女祠旁水微有酒香

為爽之瑞屢致鳳飲其言泉則一而所在異也

姚遠  
翻詩

惟地不愛寶乃能出醴泉其味敵石髓其香分金莖實

為盛世徵太和浹坤乾無怪華山上往來多列仙一泓古松

下鳳鳥翔翩翩何當攜酒媪對飲呼子先

沙渠水

水經注

水出南山北流西北入長城又北注於渭府志蒲

峪澗水即沙渠水在縣東十五里

舊志蒲谷澗

水在朝陽山西其

水北流稍西北轉曰沙渠水北入清河達於渭按今由三陽



里直入渭

冷淘泉

南部新書

野狐泉店在潼關之西泉在道南店後坡下舊

傳云野狐培而泉湧店人改爲冷淘過者行旅止焉今法饌

中有野狐泉者以藁粉爲之亦象此也

按泉店與敷水鎮爲縣治左右夾輔而泉店築壩於芳藿實抽泉之寶界也其地負阜而立店之背爲南原穹窿凸峙卽鳳嶺狼山也原自朝陽山蜿蜒而來迭伏迭起行三十里至此結成巨冢冢趾隨處湧泉而店之東西爲最夥其西里許小巖石下雙泉並洩爲明潼關大理卿張惟任大宗伯盛以宏兩人別墅內之泉也張之基峽紫氣山人之垣約百餘畝瀦泉爲池溢而合流苑外東北入於渭當時頗擅園池之勝漁洋山人王士正於蜀道驛程記之今則雲軒月榭了無遺椽惟池水澄澈如故稍東里許竹園葦塘間澗穴紛沸又稍東法興寺側斷厓脚根一泉衝竇而出淙淙有聲味極清冽府志所載靈應泉卽此上有龍神祠又東平地一眼吐作螺紋林傳爲關西夫子講學處東行至小谷內外競發不一迸如星海居民各自分社澆滋田苗無論數十百畝秋冬之際灌

漑歇悉北流而注於渭是也  
後秦姚紹守險之所也

### 泥泉水

水經注

渭水又東泥泉水注之水出南山靈谷泉而北

流注於渭也

寰宇記

泥泉水出定城下按此即今所謂磨溝水

也源發於阜南周家堡東谷內三泉鼎涌沿谷北流谷旁小泉迭出附之而行居人多設水磨於其上束手擊輪圓轉如飛十倍於人力也因以名水

### 水谷水

出谷由小月溝北流逕金盆原西歷弔橋折而西北

### 至港頭入渭

據水經注泥泉水即此而寰宇記以為出定城下定城距此尚數里抑有一誤

### 濩水

山海經

松果之山濩水出焉北流注於渭

水經

河水歷船司

空與渭水會鄠道灌箋字水注之水出松果之上山字北流之誤

逕通谷世亦謂之通谷水東北注於河述征所謂潼谷水者記

也文獻華陰有潼谷水寔字在華陰縣東四十里通考

通洛水 禁谷之水北流與潼水會統曰通洛或以其南通於

洛邑也

洛水水渭水東過華陰縣北注洛水入焉鬪駟以為漆沮之

水焉括地洛水一名漆沮水源出慶州洛源縣白於山東南志

流鄜丹同三州至華陰北南流入渭禹貢洛水自朝邑界來錐指

歷華陰之葫蘆灘入渭

按葫蘆灘在渭水以北邑東北隅也其地界於黃河洛渭之中黃河遷徙靡常東則灘顯而洛入渭西則灘淪而洛入河而原其始

入渭為正尚書禹貢漆沮既從蔡傳引寰宇記二水合流至同州朝邑縣東南入渭云既從者從於渭也

黃河

尚書禹貢

渠河積石至於龍門南至於華陰水經河水又南至

華陰潼關

注河在關內南流潼激關山因謂之潼關又河水

歷船司空與渭水會

注漢書地理志

舊京兆郡之屬縣也

晉書天文志

雜氣河水氣如引布

好女泉

府志

在永豐原下今堙

恆河

在華陰縣東二十五里北岸有古之淘金場今莫

詳所指

潼水

雍州圖經

潼水在華陰縣東

陽華藪

府志

在縣東南

呂氏春秋

九藪有秦之陽華

高誘曰

或在華陰

西又曰桃林縣西長城是也

晉地道記

陽華卽潼關

晉書載記

太元九

年慕容泓符叡戰於華澤

胡氏通鑑注

華陰之澤也或以爲卽陽

華藪

醉溪

登山記

峪口有醉溪發源玉泉

碧雲溪

峯麓名勝記

王刁三洞下爲碧雲溪

誤載各水附辯於後

黑水

博雅

水有五色有濁有清汝南有黃水華山有黑水

華山無黑水也按尙書禹貢華陽黑水惟梁州華陽華山之陽也或因此而誤

鎬泉

明一統志

鎬泉在華陰縣東二十九里

寰宇記

其水或溶或

止深不可測

括地志

是河眼亦謂之鎬池

史記集解孟康曰長安西南有鎬池古史考武王遷鎬長安豐亭鎬池也三輔黃圖鎬池在昆明池北周匝二十一里括地志鎬水源出長安西北鎬池十道志鎬池一名元阯在昆明池北雍勝略鎬水源自太乙山西谷中諸記甚明若指邑中之水襲而名之於鎬奚取此蓋附會秦使致書之事而訛也按鄭容入關至平舒見華山君使問其之咸陽而過鎬池是以願託書致鎬池君春秋傳記叙其懷璧西征款梓授東之虞歷歷如畫然則長安鎬池不容有兩也且云在縣東二十九里夫平舒在縣西二十里使者將無返轅輿况二十九里印弔橋地左右亦無深不可測之淵著稱於時未可因訛成訛也

### 符禺水

今刊刻水經注於渭水項下列符禺水於邑境之東

山海經太華之山西八十里曰小華之山小華之山西八十里曰符禺之山符禺之水出焉而北流注於渭則此水在華州之西隅明矣

### 封域

水利

### 漕渠

史記平準書

鄭當時爲渭漕渠回遠鑿直渠自長安至華陰

作者數萬人

河渠書

鄭當時為大農言曰異時關東漕粟從渭

中上度六月而罷而漕水道九百餘里時有難處引渭穿渠

起長安並南山下至河三百餘里徑易漕度可令三月罷而

渠下民田萬餘頃又可得灌田此損漕省卒而益肥關中

之地得穀

古渠圖

漕渠在縣北自華州流入

隋書食貨志

開皇元年

詔郭衍為漕渠大監部鑿渠引渭水經大興城北東至潼關

四百餘里名富民渠三年又以渭水多沙深淺不常詔宇文

愷鑿渠引渭自大興東至潼關三百餘里名廣通渠

九和志

唐

天寶三載左常侍兼陝州刺史韋堅開漕河自苑西引渭水

因古渠至華陰入渭名廣運潭

唐書地理志

華陰有漕渠自苑西

引渭水因古渠會灞澆廣運潭至縣入渭天寶三載韋堅開

按隋唐都長安鑿渠建倉

以轉運東南之粟久廢

白渠

隋書地理志

華陰有白渠久堙

敷水渠

唐書地理志

華陰西四十里有敷水渠開元二年姜師度

鑿以洩水害五年刺史樊忱復鑿之使通渭漕賈志敷水渠源

出敷谷明萬歷間知縣韓應奎開民獲其利府志敷水分二渠

東渠水灌興落等堡田若干畝龍王廟渠水灌羅敷太和等

堡田若干畝其下尚有車王等各姓之渠其峪內上首傍西

一渠名西渠者於乾隆四年因太和等堡爭水許訟經本府

親勘查明西渠係羅敷堡民郭姓之祖郭良苦於堡高水下



自行沿山鑿石引水自崖上行以資本堡飲灌之需石槽今  
易木槽亦係本堡自製西渠隄上之水斷歸大小羅敷二堡  
專用他堡無預其尾流入岷下渠者始公用之

府斷

甕谷水渠

府志

在縣西十五里東灌五方里田西灌任家窪田

府斷

黃神谷渠

馮志

在縣東南十里

賈志

上多水磨下溉民田

府志

灌郝

家堡田家堡張家堡田一百七十畝谷水又北流至昭光寺

前支分一渠入城壕從東南隅入城流入縣學

按谷水從巽方來蜿蜒入城貫注鬢苑泮池所以裕璧水而資澤  
宮攸關甚鉅也歷久居民盜竊灌漑漸成自然池中僅涓涓細流

而已

醴泉渠

舊志

在縣東南觀北里厥水清甘經華嶽觀馬蹄村北

與寶谷水合流北潞嶽廟魚池

盛家池水

明大宗伯潼關盛以宏別墅之池水也與大理卿

張惟任園池水合流而出為一渠兩家子孫旱則鬻水灌田

計畝受值其利均矣

蒲谷水渠

賈志

沿水分為二渠東渠灌爨家村賀家村田西渠

灌蒲谷村蔡家村嚴家池田

靈應泉渠

舊志

在縣東二十里出南崖下灌泉店定城及花家

寨田約五十餘頃水分三十六渠凡三十六日一週

府志

在縣

東二十里出南崖下灌泉店定城田三百六十畝

磨溝水渠

舊志

縣東二十五里南自磨谷出經官道北灌定城

公莊田近百頃水分四十一溝凡四十一日而周焉分水多寡以修廟出金爲率有碑記之民得出券相售澇則歸於清

河

附志

在縣東二十五里引泉水灌定城公莊田百餘頃

按

此

疑卽爲泥泉水也峪內多設水磨故俗謂之磨溝出谷分作二渠東灌公莊等村田西灌定城等村田土人謂泉水減於昔者十之四矣

小泉水渠 在縣東二十三里南阜一小溝內數眼齊發故謂之小泉溝外散漫噴吐尙有十餘合流而一頗資灌漑以其近於屈姓之堡專擅其利他堡不與也

水峪渠 舊無灌溉公規自弔橋而下歷寺南等堡堡民分渠挹注頗獲潤益近則弔橋以上峪內地主於澗旁曲防引灌卽成沃壤餘流亦涓涓矣

方山水

舊志

方山谷屬縣之西幅水不常有潦前水從分界直

北兼受華州諸水浸洑而東合於葱谷水正德壬申郡守桑溥開濬三渠引導北流其患寢息久皆淤塞州民開東西一渠使水下注縣地遂罹滄溺之災萬歷年間邑令王九疇重治之得復古道然山水陡發挾泥沙而下不久卽致槽渠淤塞泛溢滄浸兩地居民因而角鬪構訟迄

本朝節經大憲勘飭疏治獲免水患焉

節錄華州牧韓  
奔澗河紀略

方山河即明正德間郡守桑溥疏澗之惠民

渠也與華州黃家峪俱從南而北引山水以達渭自黃家峪  
故道泥迹峪水東注迸入方山河而河東又築堤防捍是以  
山水陡發方山河不能瀉洩致浸洸州縣民田數百餘頃州  
民欲決堤以洩水患縣民欲築堤以禦水患鬪爭聚訟百十  
年來殆無虛日康熙庚寅春制憲殷公會同大中丞鄂公親  
行履勘諮詢商確蹤跡黃家峪故道指授方略自駱駝項起  
至渭河止延袤七里上廣二丈五尺下寬一丈五尺興工於  
三月六日鳩夫畚插匝月功竣築閘一以防旱潦建橋梁二  
以通行人旬日之內民樂趨事水復故道又令州縣將羅紋

方山等河各爲疏浚一時污淤之水宣洩無遺初濬時州民意尙猶豫濬之三日得舊橋基址民始爭先趨事告厥成功於是民拜服公之卓識頌公鴻慈欲垂諸永久請載誌乘以詔後世是爲記

節錄郡丞塔爾禪開河記

華陰之西有河曰方山與華州構谷黃家谷諸水流分入渭各有水道自明萬厯間構黃水道淤塞州民鑿東西渠引水由方山河達渭方山一水兼受二水勢難容洩汎濫湍激淹沒田畝順治十四年邑令林某築方山東堤以障之州民遇水潦欲決東堤使水直灌於縣互相角鬪大中丞鄂公親臨勘驗令將方山河淤淺挑濬至戊子巳丑積雨

連綿諸渠復漲總制殷公飭令州牧率衆疏通構谷河直北  
古道於庚寅仲春會同大中丞鄂公詣被災處細加相度知  
水性洶湧先年必有水道分洩庶幾勢分而患可除卽時興  
工越兩日果得構河石橋故道其黃家峪水應有故道亦可  
知矣疏濬之功七日告竣變斥鹵爲膏腴不下千餘頃而方  
山河華邑民亦晝夜駢作岸窄者寬之底淺者深之工成河  
濱地畝實利賴焉

葱谷水渠

舊志

明正德七年華州牧桑溥開惠民三渠以消兩

華水患其二在州境第三渠則縣之葱谷也故稱葱谷河西  
渠故道久而淤塞州民乃鑿渠引水東注流於葱渠不無以

隣爲壑之弊而葱渠達渭之口漸被漲壅附近村衆平毀河槽希圖耕種峪水不能宣洩以致托定梁家保定等里地畝經年洿廢鬪訟疊興乾隆四年郡守張奎祥勘視形勢疏開故渠被害各區遂獲享樂利矣有重修葱峪河記具載前後府志

長澗水 長澗水納南山諸壑之流挾沙奔走逕縣城西駐馬橋而北注沙積漸厚遂有壅漫之患每歲春月派撥里夫挑濬

竹峪水 峪內山泉匯流而出峪口兩堡居民疏濬導引以資飲食乾隆三十五年下流附近村人覬覦控爭經縣令楊勘



斷仍歸堡衆汲用挹注之餘爰及青篁故蒼篔之盛甲于合  
邑也